



Máis fogares e negocios do municipio pontevedrés da Estrada, conectados a internet de ata 500 megas simétricos con R

- **Arredor de 130 residencias particulares e empresas do núcleo do Vilar, na Estrada, quedaron conectadas ás redes de nova xeración de R, e nos vindeiros meses uniranse a elas 150 máis**
- **O despregamento destas redes está subvencionado polos Fondos FEDER da Unión Europea a través do Programa de Extensión de la Banda Ancha de Nueva Generación (PEBA-Plan Avanza) do Ministerio de Economía e Empresa**

Venres, 5 de xuño de 2020.- O núcleo do Vilar, no municipio pontevedrés da Estrada, xa dispón de accesos ultrarrápidos a internet de ata 500 megas simétricos e pode disfrutar doutros servizos avanzados de telecomunicacións grazas ás redes de nova xeración de **R**. O operador galego vén de rematar as tarefas de despregamento da rede de fibra óptica nesta zona, aproveitando ao máximo as infraestruturas do lugar estradense. Así, arredor de **130 novos fogares e negocios da Estrada** quedaron preparados para recibir os servizos avanzados de teléfono, internet de ata 500 megas simétricos e televisión dixital multicanle de **R**. A esta cantidade sumaránse outros 150 inmobles proximamente, co que a peche de ano falaremos xa de **280 residencias particulares e empresas** conectadas a estas redes avanzadas no concello pontevedrés.

O operador galego leva anos investindo no despregamento de rede na Estrada, onde a día de hoxe xa dispoñen da cobertura das redes de nova xeracion de **R** un total de **5.790** fogares e empresas do municipio.

10 millóns de investimento e fondos europeos

Este e outros despregamentos na provincia de Pontevedra forman parte dun dos tres proxectos do Plan PEBA-Avanza do Ministerio de Economía e Empresa dos que **R** resultou adxudicataria en 2018 para despregar, antes de 2021, a tecnoloxía FTTH en 512 núcleos de Galicia que non dispuxeran de alta velocidade ata o momento (“zonas brancas”).

No desenvolvemento dos tres **plans investiranse un total de 10M€**, dos cales preto de 8M€ serán subvencionados polos fondos FEDER da Unión Europea. En concreto, o despregamento na Estrada encádrase no proxecto destinado á extensión de redes de nova xeración en **162 núcleos do centro-oeste de Galicia** (norte de Pontevedra, sur da Coruña e oeste de Lugo). O investimento total neste caso é de 3,58M€, 2,86 deles subvencionados polos fondos FEDER da Unión Europea.

Un segundo proxecto fala igualmente do despregamento de banda ancha de nova xeración con tecnoloxía FTTH, desta volta en **154 núcleos de municipios do noroeste de Galicia** (A Coruña, norte de Pontevedra e oeste de Lugo). Para estas actuacións, cun investimento total de 2,6M€ destinárase unha axuda dos fondos FEDER de 2,09M€. O terceiro dos proxectos adjudicados desenvolverase en **196 núcleos doutros municipios do suroeste de Galicia** (Pontevedra). Os despregamentos nestas zonas suporán un investimento total de 3,75M€, cunha subvención dos fondos FEDER de máis de 3M€.

preto de 65.000 fogares e negocios conectados antes de 2021

Arredor de 32.000 novos fogares e negocios de Galicia quedarán conectados ás redes de nova xeración de **R** cando rematen as actuacións adjudicadas en 2018 ao operador galego polo Ministerio de Economía e Empresa. A estos traballos hai que unirles as tarefas de extensión de redes avanzadas que **R** desenvolveu desde 2016 en virtude doutro concurso do Plan PEBA do Ministerio para igualmente achegarllles a tecnoloxía FTTH a diferentes “zonas brancas” da xeografía galega; en concreto, para conectar ás redes de nova xeración de **R** a outros 33.000 fogares e negocios, con servizos hoxe en fase de comercialización. E así, ao remate dos dous plans, antes de 2021, preto de **65.000 nuevas residencias particulares e empresas** quedarán preparadas para recibir os servizos avanzados de **R**.

De feito, **R** xa ten levado co plan anterior as súas redes de nova xeración a núcleos das catro provincias galegas en Cuntis, Muros, Cerceda, Abegondo, Lourenzá, Barreiros, Palas de Rei, Monterroso, Ribadumia, Meaño, Combarro, Pontecaldelas, Tomiño, Petín, Camariñas, Curtis, Ortigueira, Porto do Son, Pobra de Trives, Cariño e Boqueixón.

Todas estas localidades poden disfrutar de accesos ultrarrápidos a internet de 500 megas simétricos con velocidade garantida, do desco 4k da televisión dixital de **R** e de pura alta definición co servizo *rebobina* para ver a tele como e cando se queira. Así mesmo, os clientes de **R** poden aforrar no seu plan de datos móveis e conectarse de balde a 130.000 puntos da rede wificientes **R** espallados pola xeografía galega. E todo isto cunha atención ao cliente próxima, de calidade e sempre dende Galicia.

comunicación **R**
prensa@mundo-r.net

